

## A scola

(In s'intrada)

**Juanni:** Ayò ki est trigadiu!

**Crara:** Abeta, ki Aleni est innoi a canta; no dda bis ki est ingunis?

**Lisandru:** Ta faci cansada ki tenit Aleni, fortzis at acabau a tardu mannu 'e noti!

**Aleni:** A intr'e noti no arrennescemi a mi dromiri e a s'acabu mi ndi seu scidada a menjaneddu po acabai sa circa! Ma ayò ki intraus luegus, depeus fai biri sa circa a sa professora a marolla!

(In crassi)

**Professora:** Saludi a totus!

**Totus:** Saludi o sa Professora!

**Professora:** Intza', oi depint kistonai de su traballu insoru Lisandru, Aleni, Juanni e Crara.

**Lisandru:** Eya, intza', ariserus eus apariçau cuatru preguntàrius; de u apu fatu un'intrabista a mama mia, Aleni d'at fata a babu suu, Juanni a babu suu e Crara a mama sua. Sa circa nosta est stètia traballoza ca is babus e is mamas nostas traballant finsas a mericeddu e a intr'e di' funt atesu de domu. No ddus bieus mancu a pustipranju.

**Professora:** Faimi' biri cussa circa... mi parit bona! Custu de is circas m'agràdat. Ma no esti ki eis copiau comentu cudd'atra borta? M'est praxu meda su segundu e su de cuatru preguntàriu, su de Aleni e su de Crara.

**Professora:** Po sa circa de bosatrus si dongu seti.

(A sa bessida)

**Aleni:** Seu prexada meda ki dd'est praxa, ma bolemu un otu, a su mancu!

**Juanni:** Ma la' ca ses! Unu ses puru àndat beni!

**Lisandru:** Po su dexennoi de su mes'e ladàmini teneus un'atra circa de fai. Mancu malis ki eus fatu una parti de tres de su traballu ocannu passau cun s'atra professora.

**Crara:** Notesta ita faeus? Depeus festai!

**Juanni:** E no! A meri' depu fai cosa, ma si podeus biri a mericeddu. Si bieus a is noi oras.

**Lisandru:** Nosu si bieus a prim'e s'ora e a pustis beneus a domu tua. A si biri!

**Aleni:** A si biri a totus!